



02. April 2019

UPA 2019/128

Atassut

Aqqaluk Heilmann

**Nunatsinni innarluutillit ilinniartitaanikkut suliffeqarnikkullu atugaannik misissuinerup kingusinnerpaamik UPA 2020-mi saqqummiunneqarnissaanik Inatsisartut aalajangiiffigisassaattut siunnersuut. Ilinniarfiusinnaasutut suliffiusinnaasutullu piukkunnaatillit qanoq tapersorsorneqartiginerannik aammalu inunnit pineqartunit inuiaqatigiinnillu pisariaqarneratut atorineqartiginerannik erseqqinnerusumik qulaajaanermik misissuineq imaqassaaq, soorluttaaq misissuineq innarluutillit ilinniartitaanerannut suliffeqarneranullu tunngasumik siunissami ilisimasaqalernissamut qulakkeerinnittumik aalajangiisoqarneranik malitseqartinneqassasoq.**

(Inatsisartunut ilaasortaq Aqqa Samuelson, Inuit Ataqatigiit)

Atassummiit qujassutigivarput siunnersuutigineqartoq.

Atassummiit pingaartilluinnarparput inuit qanoq ikkaluaruttaluunniit tamatta atorfissaqartinneqassasugut, inuiaqatigiinnilu ilaatinneqassasugut kiisalu siunnerfeqarsimagutta sapinngisaq naapertorlugu sulisinnaassutsikkut ilinniarsinnaassutsikkulluunniit tamanna aamma periarfissaasariaqartoq pitsaasumik inatsisitigullu illersorfeqartumik.

Taamaattumik misissuisoqarnissaanik siunnersuut apeqqutitaqanngitsumik tamakkiisumik taperserparput kiisalu innersuussutigalutigu misissuisoqareernerata kingunerani iluarsisariaqartut iluarsineqarnissaannik misissuinerit malitseqartinneqassasut.